

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 57. stav (1) i člana 70. stav (1), (2) i (3) Zakona o javnim nabavkama („Službeni glasnik BiH“, broj: 39/14) i tačke 4.1. i 4.2.2. Tenderske dokumentacije za postupak javne nabavke za pružanje usluga dugoročnog kreditnog zaduženja Zeničko-dobojskog kantona u 2021. godini, broj: 07-11-8610-6/21 od 07.07.2021. godine, na prijedlog Ministarstva finansija, Vlada Zeničko-dobojskog kantona, kao ugovorni organ, na 126. sjednici, održanoj dana 21.10.2021. godine, d o n o s i

ODLUKU

o izboru najpovoljnijeg ponuđača za LOT 3

Član 1.

(Izbor najpovoljnijeg ponuđača)

Ponuda ponuđača Intesa Sanpaolo Banka d.d. BiH, ul. Obala Kulina bana 9A, 71000 Sarajevo, za LOT 3 otvorenog postupaka javne nabavke za pružanje usluga dugoročnog kreditnog zaduženja Zeničko-dobojskog kantona u 2021. godini, koji je objavljen dana 09.07.2021. godine u 11,08 h na Portalu Agencije za javne nabavke, pod brojem: 14143-1-2-3-3-1/21, nakon provedene procedure – aukcije između kvalifikovanih ponuđača, proglašava se najpovoljnijom, po kriteriju „najniža cijena“, te se izabranom ponuđaču dodjeljuje ugovor za pružanje usluga dugoročnog kreditnog zaduženja Zeničko-dobojskog kantona u 2021. godini, za LOT 3.

Član 2.

(Nastavak aktivnosti)

(1) Ugovorni organ će putem Ministarstva finansija Zeničko-dobojskog kantona ovu odluku i pismeno obavještenje o rezultatima postupku nabavke, u skladu sa članom 70. stav (2) i članom 71. stav (1) Zakona o javnim nabavkama, zajedno sa Zapisnikom o pregledu i ocjeni ponuda dostaviti svim učesnicima postupka za ovaj lot, a najkasnije u roku od sedam dana od dana donošenje ove odluke.

(2) Ugovorni organ će putem Ministarstva finansija dostaviti na potpis izabranom ponuđaču prijedlog ugovora, nakon isteka roka od 15 dana računajući od dana kada su svi ponuđači obaviješteni o izboru najpovoljnije ponude, u skladu sa članom 72. Zakona o javnim nabavkama.

(3) Daje se ovlaštenje Ministarstvu finansija Zeničko-dobojskog kantona da u ime ugovornog organa može eventualno podnesenu blagovremenu, dopuštenu i od ovlaštenog lica izjavljenu žalbu protiv ove odluke, proslijediti Uredu za žalbe Bosne i Hercegovine na nadležno postupanje u skladu sa članom 100. stav (5) Zakona o javnim nabavkama.

Član 3.

(Stupanje na snagu i objava Odluke)

(1) Odluka stupa na snagu danom donošenja i objavit će se u „Službenim novinama Zeničko-dobojskog kantona“.

(2) Odluka će se putem Stručne službe Vlade objaviti i na internetskoj stranici Vlade Kantona i to istovremeno s upućivanjem odluke ponuđačima koji su učestvovali u postupku javne nabavke za LOT 3.

Pouka o pravnom lijeku: Protiv ove odluke može se izjaviti žalba Vladi Zeničko-dobojskog kantona u roku od 10 (deset) dana od dana prijema ove odluke.

**PREMIJER
po ovlaštenju**

Broj: 02-11-14137/21

Datum, 21.10.2021. godine
Zenica

Spahija Kozlić

DOSTAVLJENO:

- 1x Ministarstvo finansija,
- 1x Intesa Sanpaolo Banka d.d. BiH, ul. Obala Kulina bana 9A, 71000 Sarajevo,
putem Ministarstva finansija,
- 1x UniCredit Bank a.d. Banja Luka, ul. Marije Bursać broj 7., 78000 Banja Luka,
putem Ministarstva finansija,
- 1x Sberbank d.d. Sarajevo, ul. Fra Anđela Zvizdovića br. 1., 71000 Sarajevo, putem
Ministarstva finansija,
- 1x Bosna Bank International d.d. Mostar, Trg djece Sarajeva bb., 71000 Sarajevo,
putem Ministarstva finansija,
- 1x Stručna služba Vlade - web stranica Vlade Zeničko-dobojskog kantona,
- 1x "Službene novine Zeničko-dobojskog kantona",
- 1x a/a.